

TARIKH	20 / 10 / 2012	SEKSYEN	Nasional
MUKA SURAT	25	RUANGAN	setempat

Doa ibu ketika sambut hari jadi dimakbul

KELANA JAYA: Doa seorang ibu ketika menyambut ulang tahun kelahirannya bulan lalu untuk mengerjakan haji bersama anak tunggalnya dimakbulkan apabila dua beranak itu ditawar mengerjakan rukun Islam kelima itu pada tahun ini.

Rozilawati Saad, 52, bersyukur kerana anaknya, Ayuni Arifuddin, 24, turut menjadi tetamu Allah di tanah suci Makkah.

Menurut Ayuni, ketika menyambut ulang tahun ibunya baru-baru ini, wanita itu berharap supaya dia dapat menjadi pengiring di Tanah Suci sebagai hadiah hari jadinya.

"Alhamdulillah berkat doa seorang ibu, Allah memakbulkannya dan sudah pasti ibu antara yang paling gembira mendapat tahu saya mendapat tawaran menunaikan haji.

"Sebagai anak, tanggungjawab menjaga keselamatan ibu sepanjang berada di Tanah Suci menjadi amanah walaupun saya perlu melaksanakan ibadat itu sebaik mungkin," katanya.

Ayuni pelajar tahun akhir Kolej Universiti Islam Malaysia (Kuis) berkata, wa-



BERSYUKUR...Rozilawati (kiri) bersyukur dapat menunaikan haji bersama anaknya.

laupun dia tak dapat melakukan persiapan sepenuhnya, dia bersyukur kerana ibunya banyak membantu.

Katanya, disebabkan kesibukan di kampus dia hanya sempat mengikuti sekali saja kursus intensif disediakan Lembaga Tabung Haji (TH), selebihnya dia belajar sendiri dengan dibantu Rozilawati.

Memegang amanah semua saudara terutama bapanya untuk menjaga ibu-

nya, Ayuni berharap dikurniakan tenaga secukupnya untuk melaksanakan ibadah sesempurna mungkin dan pada masa sama berupaya menjaga emaknya di sana.

"Bapa pun belum berkesempatan melaksanakan ibadat ini. Jadi betapa beruntungnya saya, semoga saya dapat ke sana (Makkah) buat kali kedua membawa mereka (ibu bapa) pula menunaikan haji," katanya berasal dari Kluang, Johor.